

Հ Ա Շ Վ Ե Տ Վ ՈՒ Թ Յ ՈՒ Ն

« ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐԻ ՏԵՂԱԿԱԼ ԳԵՂԱՄ ՎԱՐԴԱՆՅԱՆԻ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը.

Գեղամ Վարդանյան:

2. Զբաղեցրած պաշտոնը.

Բարձր տեխնոլոգիական արդյունաբերության նախարարի տեղակալ:

3. Գործուղման վայրը և ժամկետները.

Ռուսաստանի Դաշնություն, ք. Մոսկվա, 2019թ. օգոստոսի 29-31-ը:

4. Հրավիրող կողմը.

Միավորված ավիաշինարարական կորպորացիա:

5. Գործուղման նպատակը.

Մասնակցություն Միջազգային ավիացիոն-տիեզերական սրահ (ՄԱԿՍ 2019) միջոցառմանը՝ տեղեկատվական և բարձր տեխնոլոգիաների ոլորտներում հայ-ռուսական համագործակցությունն ընդլայնելու հնարավորություններն ու ուղիները քննարկելու նպատակով:

6. Քննարկված թեմաները.

2019թ. օգոստոսի 27-ից սեպտեմբերի 1-ը ք. Մոսկվայում (Ռուսաստանի Դաշնություն) կայացած «MAKC 2019 միջազգային ավիացիոն և տիեզերական սրահներ» միջազգային ավիացիոն և տիեզերական ցուցահանդես-գիտաժողովին և դրա շրջանակներում կայանալիք հանդիպումներին քննարկվել են տեխնոլոգիական արդյունաբերությանը և ռազմարդյունաբերությանը վերաբերող կետեր: Մի շարք հեղինակավոր ընկերությունների ներկայացուցիչների հետ հանդիպումների ընթացքում քննարկվել են նշված ոլորտներում

հնարավոր համագործակցության եզրերը և փորձի ու գիտելիքների փոխանակման հնարավորությունները:

7. Հանդիպումները, ելույթները, բարձրացված կամ քննարկված հարցերը.

<<MAKC 2019>> ցուցահանդես-գիտաժողովի շրջանակներում << բարձր տեխնոլոգիական արդյունաբերության նախարարի տեղակալ Գեղամ Վարդանյանը և Ռազմարդյունաբերության կոմիտեի նախագահ Ավետիք Քերոբյանը հանդիպում ունեցան մի շարք հեղինակավոր և մեծ փորձառություն ունեցող կազմակերպությունների հետ: Հանդիպումների ընթացքում կողմերը քննարկեցին երկուստեք կարևորություն ունեցող հարցեր: Գեղամ Վարդանյանը ներկայացրեց Հայաստանի, և մասնավորապես՝ ավիացիայի ինժեներական նախագծման և հաշվարկման ուղղությամբ առկա ներուժը, որը կարելի է օգտագործել՝ արդյունաբերական արտադրություն ներդնելու և զարգացնելու համար: Ռուսական կողմի ներկայացուցիչները խոստացան քննարկել և ներկայացնել առաջարկներ, թե ինչ ձևաչափով են պատկերացնում հնարավոր համագործակցության շրջանակը՝ Հայաստանում գործող ոլորտային կազմակերպություններ և առանձին գիտատեխնիկական ձեռնարկությունների հետ համագործակցելու վերաբերյալ:

Կազմակերպությունների ներկայացուցիչները հայտնեցին իրենց պատրաստակամությունը՝ Հայաստանում ներդրումային ծրագրեր իրականացնելու և ավիացիոն շարժիչներ արտադրող գործարան հիմնելու մասին, և նախատեսվում է, որ ստացված արտադրանքի սպառման շուկայի պահանջները կարելի է ապահովել ոչ միայն Ռուսաստանի Դաշնությունում, այլ նաև Եվրոպայում և Ասիայում: Հայկական կողմի ներկայացուցիչները փաստեցին, որ կօժանդակեն նմանօրինակ յուրաքանչյուր նախաձեռնության և կնպաստեն ծրագրի՝ Հայաստանում արագ ներդրմանը և իրականացմանը:

Հանդիպումների ընթացքում Գ. Վարդանյանը ներկայացրել է հայկական ինժեներական և գիտատեխնիկական կազմակերպությունների ներուժը, մասնավորապես՝ կապի ոլորտում, ինչը մեծ հետաքրքրություն առաջացրեց հանդիպումների մասնակիցների մոտ: Պայմանավորվածություն է ձեռք բերվել նյութերի տրամադրման և հետագա քայլերի պարզորոշման վերաբերյալ: Ընկերությունների պատվիրակություններին ներկայացվեցին տարբեր տեխնիկական բնագավառներում Հայաստանի հնարավորությունները, երկրում առկա շափյուղաների աճեցման հնարավորությունը, և առաջացած հետաքրքրության արդյունքում


պայմանավորվածություն ձեռք բերվեց շարունակել քննարկումները՝ հստակ համագործակցության ուղղություններ գտնելու նպատակով:

8. Ակնկալվող արդյունքները.

Այցի շրջանակներում հնարավոր եղավ գործընկերներին առավել հանգամանալիորեն ներկայացնել Հայաստանում առկա գիտական և մարդկային ներուժը: Հայկական պատվիրակության ներկայացուցիչները ձեռք բերեցին անհրաժեշտ պայմանավորվածություններ և համագործակցության ուղենիշներ՝ վերոնշյալ ուղղություններով հնարավոր համագործակցության համար ձեռք բերված պայմանավորվածությունների իրականացմանը մոտ ժամանակներում ընթացք տալու նպատակով:

9. Ստորագրությունը, ամսաթիվը.

Գեղամ Վարդանյան



04.09.2019թ.